## محمد سعفان

# شـــارع سيدى لاشين

أشعار بالعامية المصرية

الطبعة الثانية يناير 2018



#### بطاقة الكتاب

عنوان المؤلّف: شارع سيدى الشين

المؤلّف : محمد سعفان التصنيف : أشعار بالعامية المصرية

رقم الإيداع : 16774 - 2017

عدد الصفحات: 96 صفحة

رقم الإصدار الداخلي: 50

تاريخ الإصدار الداخلى: يناير 2018 ( الطبعة الثانية )

الاشراف الفنى لجمعية تسهيل الطباعة الشاعرة سميرة محمودى

جميع حقوق الطبع والنشر محفوظة للشاعر، ولا يحق لأي دار نشر طبع ونشر وتوزيع الكتاب الإبموافقة كتابية وموثقة من الشاعس

#### دار النيل والفرات للنشر والتوزيع

سجل تجارى: 13242

بطاقة ضريبية: 35-01-572-0031-5-165 رقم التسجيل: 2017-7 544-662-202

E-mail: alnile waalforat@vahoo.com


النيل والفرات :twitter

youtube: alnile waalforat@yahoo.com

facebook: alnile wa alforat

كَ هَاتُفَ : 01011256943 - 01116202218 - 01202541192

شرقية - العاشر من رمضان - مجاورة ١٣ - عقار ٣٠٤ - الدور الثاني - أمام سنتر ١٣



#### الاهداء

الي من حملت صفا ت امى وتحملت معي وتحملتني الي شريكة العمر الي زوجتي

محمد سعفان

#### شارع سيدي لاشين

شارعنا القديم لما اشوفه ياخدني الحنين وارجع ويرجع معايا حبة سنين نعيش اللي فات ونحكي حكايات حكاية تِسلم حكاية وناس مش معايا اشوفهم معايا قاعدین من سکات

اجرجر معاهم كلام

فاكر \_وفاكر\_فا كر

لما كنا بنقعد

عند شاكر

وفتحي كمان

وناكل ونشبع

وابراهيم يروح

ياكل ويرجع

ونسهر

نغني لحليم

ويزهق منا الجيران

نقوم ونمشي

نسيب المكان

نروح درب الطويل

ونسمع من بعيد عوف الاصيل نلاقي ام نصر فرشة الحصيرة وقاعد حمدي ونصر ونبيل وحبة سودا ني وهات يا تسالي لسة الليل طويل

شارع سيدى لاشين

## الأقصى

الاقصي بيندهلي وانا من جهلي علي مهلي مستني صلاح الدين وصلاح الدين مش حير جعلي وانا ما اعرفشى اكون هو وانا عايش في -صراعي مع اهلي ومش لا قي كلمة تجمعهم وتجمعني

#### الرجل شايل دراعه

الراجل شايل دراعه

حد یشیل معاه

هو انتوا مش صحا به

ولا في الشدة مش معا ه

الرجل كان معاكوا

ليه النهاردة

الكل ظاهر قفاه

اسف....

بس خليكوا معاه

اصله رافع دراعه

وانتوا عارفين مستواه

#### إسأل الصا برين

لو ضاع منك مرة حلم واتسرسبت حبة سنين اياك تهجر السلم او تطرد من قلبك الحنين اللي عند ربك افضل م اللي فات بسنين وان ما كنش عندك علم إسأل الصا برين

#### حتى الفار

حتي الفار مرضيش يسكن عندي شاف حالى ملقاش عزه في عزي قام واخد شنطته فا ضية وطا لع يجري شفته صعب عليا وهو معدي قلت اما اطلع اسال واستعلم لقيت كام قطة

قاعدين ع السام
قا لوا شفناه
عمال يبكي ويتألم
وعشان كده سبناه
يعدي من غير ما يسلم
قلت يا ولداه
حتي الفار من حالي اتألم
وانا عمري
ما قدمت لحكومة تظلم

#### الناس اتقسمت

لما الحياة اتازمت

والناس اتقسمت

دقت كل القوب م الخوف

وبانت شيا طين الانس

ع المكشوف

والكلمة اللي كانت بتجمعنا

فقدت المعنى

واتبعترت ..الحرف با الوف

لكن لسه الحياة ما شية

وفيه روح

وفيه عيون بتشوف

شايفة بعيد بكره وعلى جسر الامل بيطوف يعنى مهما القمر غاب عنا ولا قرص الشمس كان مكسوف لبد يوم تصحى الفلوب و تتجمع تا ني با المعروف ده مش کلامی .. ولا هو رص حروف دا تا ریخ انسا ني عايش في وجداني لما اتوه في سكتي بيتوه ولما ارجع بيرجع تاني بشرط اكون سليم ومش محفوف

يا مصر ياللي بذرتك طاهرة مغروسة جوه جوه الجوف ونيلك دمي في شريا ني ووجداني

ما يصحي غير لما اخدك في احضا ني واصد عنك من العدا الوف يامصر ...عزتك نا سك وضربت فا سك

يدوم احساسك

تصحي الارض

وانا في محرابك ناسك

با اصلي الفرض ..

با اصلي الفرض



وادعيك

يزيد خيرك

وقند يلك يقيد نوري

اشيلك فوق كتافي واطوف

اطوف علي كل اللي حبك

اللي دق قلبه

نبض قلبك

وملامحه من ملامحك

اللي ارتوي من نيلك

وعاش علي قمحك

اللي مهما اسا

دائما مسامحك

ودائما عطوف

يامصر نسيجك

نسيج واحد

وكلمة عنصرين

بتالم الواحد

انا عمري ما فرقت

بين مينا وعبد الواحد

ولا شفت بينهم خوف

یا مصر..

مهما الحياة اتا زمت

والناس اتقسمت

ودقت كل القلوب م الخوف

وبا نت شيا طين الانس

ع المكشوف

والكلمة اللي كانت بتجمعنا

فقدت المعنى

واتبعترت...

الحرف با الوف

ولادك يامصر

الكف ع الكف

واسمك فوق الكفوف

مهما الناس اتقسمت

انت با قية

صف من

اقوي الصفوف

#### أنا إبنها

يا اللي عايشن..

من اجلها

علي كام يا فطة

ف ضلها

فهموني

ليه سرقتوا شمسها

فهموني

انا برضوا ابنها

انا اللي زمان

حلمت اعيش

انا اللي الشقا

خد مني مهما النيش انا اللي مهما شفت الاسي منها عمري ما بعدت عنها ولا عندي ادفا من حضنها انا ابنها.....

#### باكو الشاي بكام

هو باكو الشاي بكام مش حا اطاوع المدام كل شوية هاتلى حلبة والحكومة طا لعة حالبة ونازلة حالبة والجيوب نضفت تمام دبروني... ولا اطنش والسلام والسلام مين حيجي والا نوف طا لها الزكام وان دخلت ايدي جوه جيبي تدخل تنام.

\_\_\_\_ شارع سیدی لاشین

خايفة تطلع من الكسوف اصلها هي كمان مش ناقصة الكلام

#### بتنسي زمانك

بتنسي زمانك وتعلي في مكانك وتعمل صيت وحصوة في طريقك تغيرمسيرتك وتجرح في سيرتك وتصبح كانك ما جيت

#### توب الوفا

صنفوا .... والعنوا والبسوا توب الوفا ومصمصوا الشفايف بكام كلمة مزيفة واترحموا علي كل شهيد راح في المعمعة وادفنوا الحقيقة في التراب واتأ لموا من العذا ب خلوا العيون تظهر في الصورة مرفرفة والدموع نازلة مزيفة

ولحد كده كفا
امتي حنخرج
من الشرنقة
وافكارنا الضيقة
ونعرف اننا شعب واحد
مش شعوب متفرقة

#### سرد لبعض أحداث دنشواى

طار الحمام... طار الحمام نزل الحمام الدار شاف الزمن صورة مقلوبة با المندار لما الغريب انتصر والموت لصاحب الدار كان الوقت نص نهار والشمس داخلة علي القيالة والحمام مداري

في الابراج

او بيدورعلي ضِلاية

او بيلقط حبتين

قمح من الاجران

اصل القمح قمحه

والبلد بلده

بس ليه جلاده جلده

لما الغريب دخل بلده

اتملك الارض

والهوي والناس

وام العمي صاب نظره

نزل يصيدالحمام

رصاصة صابت ام محمد

فجرت بركان غضب

كانت شرارة لثورة وطن

بس سا عتها

كان الوطن في الحبس

کا ن منداس

اتجمع اهل البلد

كبار وصغار

حتي شيخ الغفر

صابه عيار

وبول خدها با المشوار

وفي سرسنا قا بله

هناك الموت

من ضربة شمس

اوخد له كام نبوت

وبعدها اتشكلت محكمة

عشان يكون كل شئ معلوم عقدت المحكمة مكلمه واحكام الورق جا هزه مشنقة منصوبه وعروسة للجلد كما ن جا هزه ودفاع بيقلب الصوره ويخلي القتيل قاتل ويسلم القاتل الجايزه

#### ده وطن

دا وطن<u>.</u> مش دوري ولا كاس دا وطن يعني سكن وحب وناس ما يهمنيش الحكم يهمني اكون البطل اعلى ولا انداس ما يهمنيش الحكم يهمني الطفل اللي اتفطم يلاقي لقمة وسكن ومكان بين الناس

#### ذكري

#### عندما جاء يوم الخامس يونيو موافق للعاشر من رمضان

لما تلف السنين وتيجي من كل اتجاه ويجي يوم الفرح مع يوم الأنين مع يوم الأنين ولسله في العروق نبض الحياة ترتبك المشاعر في قلب كل شاعر عاش عدى النهار وقال عبرنا بسم الله

لمل تلف السنين

وتيجي

من كل اتجاه

ويجي يوم الفرح

مع يوم الانين

ولسة في العروق

نبض الحياة

ارجع وافتكر

لما اكتفينا بالغنى

منهج حياة

وعبدنا نفسنا

ونسينا عبادة الإله

اتهزت الارض من تحتنا

لكن عشان ربنا

حابي ارضنا ووصى بأهلها مصطفاه طرحت جوانا بذرة حياة كبرت رعرعت وفي شهر الصيا م طلعت لعلعت الله اكبر الله اكبر الله اكبر الله اكبر عبرنا بسم الله

## ذكريا تي

لما ارجع زكرياتي واشوف حبي فيها اتمني اعيشها تا ني م الأول وابتديها

اصل اللي جاي م العمراسة سنين لازم نعيشها ونرجع زكرياتنا م الأول وابتديها

سنين كتير تعدي

وتبقي زكريات لوكا نت يوم تهدي وتجد د اللي فات كنت ارجع تاني اعيشها م الاول وابتد يها

#### شارة حداد

شارة حداد على جانب الصوره وقلوب جوه الوطن مكسوره و انین وناي حزین.. وحبة افكار متبعترين لا همه دين ولا همه فكر لا همه قداس ولا همه ذكر لكن بذرة شيطان طرحت ما طالت ايد الا وجرحت والدم بقي نهر مين دفع المهر

وفي يوم الفرح خلا القلوب مكسوره وحط شارة حداد علي جانب الصوره

# صوت التكبير

يا صوت التكبير يا مزلزل الارض زلزل قلوب البشر زلزلها من جوه غيرها بالقوة اروي فيها الصالح يكون فالح ينور طريق امة ياصوت التكبير يا مزلزل الارض ارسم خطوط

الطول و العرض

تنور لنا .

بنور ربنا

مانسيب سنة

ولا فرض

## لما حلمك يكبر

لما حلمك يكبر جوه منك ويحب يطلع من حدودك وانت مش قادر... تفرد جنا حك اوحتي تصلب عودك سا عتها الحلم يتألم ويبقي مخنوق مخنوق جوه شبكة عنكبوت بتقوله موت مع انه بيحب الحياة

اصله يوم ما نبت جوه منك كان بيحلم وانت كمان كنت بتحلم معاه بس لما اخضر عوده وحب يثبت وجوده تهت منه وهو تاه لكن من حبه للحياة راجع جوه منك يلا قوم اسمع نداه

## لمس الوطن إحسا سى

لمس الوطن إحسا سي وعشت مع ناسي عملنا سوا سبحه ومشينا وشوش سمحه نزرع بذور بكره وقبل ما نوصل كانت البذور طارحه لكن فيه طيور جارحه دايسة علي الزرعه وعايزة تفرط السبحه وعايزة تفرط السبحه

## مرکب ورق

مركب ورق علي وش الغرق الوهم سيطر علي ركابها دخلوا المحيط...

ومفيش راجل حويط

الفكر شارد والكل داخل في السبق مع انه عارف ان المركب ورق على وش الغرق

#### ومضات

وكتبت للوطن موال لا تغني ولا اتفال اصل الوطن مجروح وجرحه مش حيروح بغنوة ولا موال

......

من شدة لشدة انا طا لع صامد في الخطوة جرئ لا بلون ولا ليا مطا مع وكلامي صادق م القلب برئ

لما اللقمة تعز عليك والهد مة ما تستر بد نك والقرش يتوه في ايديك ادعي يسترها اللي خلقك

-----

لمايصفي نبع قلبك طرحك يملا كل جنبك والسعادة تغطي الكون بحاله وترفرف عليك انت وحبايبك

الوطن في القلب وطن والنيل دمي في شرياني مرسا وحب وسكن سندي في افراحي واحزاني.

.....

نبض القب اسمك رسمي هو رسمك نور الدنيا نورك وابتسامتها هي ابتسامتك

قلبي عليك يا وطن وانا قلبي موجوع تقسي عليا اهجرك وارجع اشتاق للرجوع

\_\_\_\_\_

ادینی شبر من ارضی ادینی حتی اتنین سنتی سنتی سنتی ازرعه قمح وسنتی اعمله قبری

جما ل الكون في زهرة تنبت جوه صخرة تخلي القلب يسجد لصاحب الامر والقدرة

.....

جمال الروح بيزرع في القلوب راحه تطرح حنية تخلي دنيتك واحة تصبح يو ماتي بكام وردة وتطرد شيطانك وتبقي النفس مرتاحة

لما يبقي نور الحب قلبك لما ابتسا متك تنور الكل جنبك نبعك يروي ارضك ويرا عيها اصلك انت سعدك جوه قلبك

\_\_\_\_\_

فيه ذكري سا عات بتوجع وذكري تخد ني ارجع اتمني اعيشها تاني عشان ما لحقتش اشبع سنين كتير تعدي وتبقي ذكريا ت لوكانت يوم تهدي وتجدد اللي فات كنت اعيش معا ها احلي عمري خالي من الالام خالي من الاهات

.....

لما الفقر كان صاحبي والصحبة دا مت كتير قلت ليه بتجرحني وانا في نفسي امير

## الصورة

المرسومة علي جدار المحنه دايما تجرحنا حتي لو كانت زاهية الالوان بتكسر صوت الصمت ف لحظه وتغير شكل الايا م لما خطوطها بتتباعد عن اصل الشكل الواعد لما رسمها الفنا ن

احبك بقلبي ترق الشاعر واكتبلك واقول اني شاعر تحس بكلا مي وتبا دل غرامي وفي قمة هيامي تسبني تهاجر

امي نبع صا في با العطاء دائم توافي في الشدة هي صلبة هي دائما حضن دا في

.....

في الطريق الدنيا زحمه والكلام عملي لخمه لو تسبني ارتاح شويه وبعدها نمشى زحمة زحمه

.....

لما سنين العمر تجري هدي الخطوة حبة يمكن يكون الوقت بدري تلحق تصلح اي طبه

.....

لما تصحي من نومك
وتغير هدومك
وتسمع همس
افتح وشوف الشمس
تلقاها جاية بتوشوش
النهارده غير الامس

#### ياوطن

ياوطني ..... ياوطني ياسا كن في قلب قلب النني انا منك وانت منى بس د لوقت مش عارف انا تهت منك ولا انت اللي تهت مني انا عشت العمر احلم بك واحلم اكون حاجة عد ا العمر من جنبي خد مني ومش ذنبي ولقيت نفسي ولا حاجة

# لمسة ايديك حنيه نظرة عنيك ملا غيه لما اشو فك دقات القلب بتزيد ميه في الميه

-----

لو تصحي من حلمك
وتنزل علي ارضك
حتعرف بين البشر قيمتك
وينطلق صوتك
وينتهى صمتك

•••••

فريده الحبيبه القريبه القريبه البعيده الحبيبه مهجه القلب الحقيده يارب بارك فيها

# يا عم الباشا

ياعم الباشا ...ياعم البيه فهمني المو ضوع ايه في الاكل شغلتلي بالي في الشغل وقفتلي حالي ومش عارف اعمل ایه هو انا بینی وبینك ایه انا لا بزاحم في كراسي وعايز ارفع راسي يعني بسيطة طلبا تي... علي قد ما تمشي حيا تي...

#### المولد

في شارعنا القديم ليلة فيها الليل كبيس اصل الليلة ليلة عريس والعريس في شارعنا يبقي مولد وصاحب المولد سيدي خميس والموا لد كل شئ فيها وارد اللي جاي يزور واللي جايب للمقام بخور واللي جاي في الشوارع يدور

واللي نا دره عيش ولحمه وعامله زحمه والعيال تخطف وتاخد والموالد كل شئ فيها وارد

# أهل بلدي

اهل بلدي ....اهل ولدي قلبي ليهم...روحي فيهم بس با ازعل لما اشوفهم حد منهم بيعا ديهم مش طباعهم..ايه جرا لهم همه قاموا بثورة عليهم ولا كانت الثورة عليهم

### بااعشقك

مكتوب علي ارضك

حروف اسمي

وهوا كي شايل

ف الهوي رسمي

با اعشقك...

واحب اشوفك

حتي وانا

با ابكي بتبتسمي

بااعشقك ..

وانا با اشقي

واعيش مطحون

ومش بايدي

تكوني ليلي وانا المجنون

با اعشقك

ونيلك في عروق جسمي

با اعشقك

وعشقي ليكي حصري

ماهو انتي مصر

وانا مصري

# لما تمشي في البلد

لما تمشي في البلد وتدور في الوشوش تلاقى وش فا لح وتلاقي وش كالح ووش تا لت ماتشوفوش تتوه في الزحام وتنسي الكلام وتدور على با عوا وما شتروش شویه وتمشي تا ني تدور علي الاما ني

مع ناس شكل تا ني زمنهم غير زما نك عا شوا وما اشتكوش ترجع تبعد الفكرة همه اللي كانوا امبارح ممكن يكونوا معا نا بكره وازاي نعيش معاهم واحنا زمنا ما عيشنا هوش

# إزاي ما بقتش أهمك

ازاي ما بقتش اهمك الكلام ده مش كلامك ولا عمري سمعته منك ازاي ما بقتش اهمك لمستك با احساسي وعشقتك في احلامي وعلي عودي انت الحاني واشجاني ودمي هو دمك

ازاي ما بقتش اهمك

.....

اول نظرة من عنيك غيرت سكة حيا تي اول لمسة من ايديك حسيت معاها بذا تي

# علي طرف أيامي

علي طرف ايامي قا بلت احلامي في عمري اللي عدا مرسومة صورة قدا مى كا نها بنت النهارده رجعت ويا ها اعبدها تاني رجعت معايا وكانت مهاودة قعد نا سوا نفكر ازاي نعيشها من تاني

شارع سيدى لاشين

وزمنها خلاص عدا ف الاخر رسينا ان الحلم ف ايدينا مد ام فيه نفس لسه

#### الكل مدعو ...

الكل مدعو ... صغیر او کبیر جنا زة سيا دة الضمير عالم اول ولا تالت محا فظ ولا فا لت كل الخلايق تاهت لما با عت المبادئ اللي بدأ النها ردة زي اللي بدأ من سنين الكل في الجريمة مجرمين الكل في إيد ابالسه

والابالسه ماشيه دايسه

على كل المظلومين

والاكادة

البلادة

اللي صايبه

امه خایبه

كان تاريخها

زمان عريق

النها ردة م اللي صابها

نزات في الغريق

داس ترابها

اللي دود الارض داسه

اللي الخسه طبع فيه

والنجاسة لحد راسه

بس اللي زرعه من اساسه شيطان ولسه بير اعيه ضمير العالم مات خلاص مهما تعمل مش حتلا قيك وموكب الجنازه

## ياعم الحاج حاسب

يا عم الحج هدي يا عم الحج حا سب ليه طا لع بتجري استني اجيب محاسب يدبر حالي بدري واديك من المكا سب ليه كل لقمة اروح اجيبها الاقيك منتش سايبها تكنشي عايز ني اصوم طب وان صمت عنها اصوم عن الهدوم؟

# النبع الصافي

لما نبعك يبقي صافي لما حضنك يبقي دا في لما كل ما تشو فنى تقول عوا في يبقي زرعك جوه منك طرحه وا في يخضر كل ارضك واللى جنبك حتى لو اتوزع على الكون بحا له يبقي كافي

#### سنين تعدي

سنين وسنين تعدي وسا عات تقف تهدي وتسا لني ع الحلم اللي كان عندي هو اداني ولا خد مني ولا عاش عمره مخا صمني ولا تهت انا منه ولا هو تاه مني.

# الظغطة في المحطة

الظغطة في المحطة جت لواحد كان مسا فر لما الشنطة كات ف ايده وخدها سيده وقا له انزل مش مسا فر فام معدى وراح مهدى مش مسا فر مش مسا فر هى الدنيا ساعة ولا ثانية مهما طالت برضو فانية مش مسا فر

مش مسا فر واللي راكب واللي ما شي واللي قا عد غ الكر اسي عمره ما يبقي راسي اصل ایده مش ف ایده وكل عبد ف حكم سيده لا زم يبقي طا يع والا في لحظة يبقي صايع مهما كان فهيم وشاطر النهاية

الطريق مسدود با المخاطر القطر صفر..

مش مسا فر .....مش مسا فر

## الأرض بتنبت ثوره

ولقيت الارض بتنبت ثوره

وتصحي الناس الغا فله

وتفتح اي بيبان قا فله

لكن وفي لحظه

وعلي غفله

دخلت شيا طين سا فله

عملت زفه

ولفت لفه

عملت ع الناس تحويطه

وزيطه

وكلت الفته



#### الإرهابي

ربك سواك واحسن تكوينك لكن انت ايه خلاك تتبع شيا طينك الفكر اللي مسيطر علي عقلك بيدمر نفسك ويدمر اهلك ويخلي الضحكة ف وش عيا لك تبعد ولا يوم تند هلك ويموت ف القلب حنينك. ربك سواك

واحسن تكوينك لكن انت ايه خلاك تتبع شيا طينك

•••••

الارض اللي عليها نبت زرعك وشوارعها وحوا ريها عارفين اسمك ليه تقسي عليها وتبيع نفسك وتد مر فيهاوتهدم رسمك ويموت الخير جواك وتبيع دينك

ربك سواك

واحسن تكوينك

لكن انت ايه خلاك

تتبغ شيا طينك

<del>-</del> <del>(78)</del> >>

### إتقابلنا وافترقنا

واتقابلنا تاني بعد مدة من فراقنا واتفقنا اتفقناع اللي فاتنا يبقي فات و اللي جاي م العمر لسه يبقي احلي م اللي فات كل ثانية تبقي جا يه تبقى جاية بعمر تانى كل كلمة نقولها حلوه تبقي احلي م الاغاني ودا كان اتفقنا والدنيا شاهده وعارفه

اننا اتقابلنا .. واافترقنا

واتفقنا .. وافترقنا

افترقنا ليه؟

ما اعرفش انا

انت اللي عارف

ليه افترقنا\* بعداتفاقنا والهنا

انا عمري عشته لجلك

لجلك انت

وقلبي عمره ماحب قبلك

قبلك انت

وليه جاي النهارده

تهجر وتنساني

هو ده برضو اتفاقنا

هي دي برضو الاماني

انت اللي هاجر والدنيا شاهدة وعارفة اننا اتقابلنا وافترقنا

## أرجوك فهمنى

ارجوك فهمني انا مش فاهمك انا واحد من رعياك مسؤل منك وكمان مسؤل وياك المركب انا وانت راكبين فيها ومدام ادفت لوحدك فهمني رايح فين بيها ماهي لوغرقت حا اغرق وياك وفي يوم الدين يسأ لني ربي وربك

ليه ما وقفتش جنبك

ونصحتك فهمني انا مش فاهمك انا لا فهم ف سيا سه ولا افهم ف الذره انا واحد علي با ب الله عا يز اعرف انا داخل حسا بتك ولا خلاص طلعتني بره

# إمضي يا أبو العلا..

الدفا تر ... دفا ترنا

نكتب ما بدلنا

حتى لو كتبنا

جلا .. جلا

أمضي يا ابو العلا

امضي وانت ما ضي

الحاضر مش بتاعك

ولا حتى بكرة صاحبك

اللي صاحبك

غما عينك



لجل ما يبقي ساحبك ويتوه دليلك امضي..

فاطمة مش بتاعتك

حتي طلع بطاقتك

تلقي اسمك

مش هو اسمك

ولاحتي رسمك

امضي ..

فاطمة مش بتاعتك

مش بتاعتك

.....

#### فنان بریشه

ولقيت فنان بريشه بير سم في المعيشه ويدقق في الحسا ب الصورة مش لطيفه تجيب الاكتئاب والفرشة مش نضيفه تعبا نة من العذاب و الالوان مش كثيفه يعني الصورة سراب اصل الحياة صبحت مخيفه كل يوم بتزيد عذ اب

متسلط علينا حريفه في صنع الاكتئا ب اسعار بتعلي ..تعلي الما توصل للسحا ب كل شئ رفعوا سعره واللي فا ضل بس التر اب يمكن حد منهم عاد لا صله وعرف انه بكرة يكون في قبرة ويرجع للتراب يكون في قبرة ويرجع للتراب

# هي کده

هي کده

تجيبها كده

تجيبها كده

هي کده

تبات الناس

مبسوطه او متنكده

هي کده

حتى اللي فا لوا في يوم ظابطها

طلعت متصلبة

بس هو كان

حريف فبركة

والتكتكه

بعد منه قلبت دربکه

وبا نت كل حاجة ملعبكه

والخيوط متشبكه

زي العنكبوت

علينا محوطه

وانا مش عارف

لسة فينا الروح

ولا بقينا اجسام متحنطه

ومبقا ش فيه حاجه مؤ كده

هی کده ... هی کده

#### وحلمت بوجودي

وحلمت بوجودى قمت فارد في الهوي عودي ورسمت صورة ايامي حتى اللي فا تتني.. قلت لها ارجعي تاني وحطيت الكل قدامي حتى اللي كانت مخصماني قعدت معاها نتصافا مع انى عارف انها خوافه خايفه لا بكره انساها وانسى عشرتى وياها

### محتوى الكتاب

صفحة	القصيدة	م
2	بطاقة الكتاب	1
3	।र्षाः	2
4	شارع سيدى لاشين	3
7	الأقصى	4
8	الراجل شايل دراعه	5
9	إسئل الصابرين	6
10	حتى الفار	7
12	الناس اتقسمت	8
18	أنا ابنها	9
20	باكو الشاى بكام	10
22	بتنسى زمانك	11
23	توب الوفا	12

25	سرد لبعض أحداث دنشواى	12
29	ده وطن	13
30	ذكرى	14
33	ذكرياتى	15
35	شارة حداد	16
37	صوت التكبير	17
39	لما حلمك يكبر	18
41	لمس الوطن إحساسى	19
42	مركب ورق	20
43	ومضات	21
50	الصورة	22
54	ياوطن	23
56	ياعم الباشا	24
57	المولد	25

59	أهل بلدى	26
60	با اعشقك	27
62	لما تمشى فى البلد	28
64	إزاى ما بقتش أهمك	29
66	على طرف أيامى	30
68	الكل مدعو	31
71	ياعم الحاج حاسب	32
72	النبع الصافى	33
73	سنين تعدى	34
74	الظغطة في المحطة	35
76	الأرض بتنبت ثورة	36
77	الإرهابى	37
79	اتقابلنا وافترقنا	38
82	أرجوك فهمنى	39

84	امضى يا بو العلا	40
86	فنان بریشة	41
88	هیه کده	42
90	وحلمت بوجودى	43
91	محتوى الكتاب	44